



Broj: 05/8-50-14-218-11/13

Sarajevo, 3. 6. 2013.

Z A P I S N I K

11. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 15. 4. 2013., od 12,30 do 14,00 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Dušanka Majkić.

Sjednici su prisustvovali sljedeći članovi Komisije: Dušanka Majkić, Borjana Krišto, Mirsad Abazović, Beriz Belkić, Staša Košarac, Niko Lozančić, Milenko Obad i Milorad Vulić.

Odsustvo sa sjednice opravdao je Sulejman Tihić.

Sjednici su prisustvovali i gosti, kao i predstavnik Sekretarijata Parlamentarne skupštine BiH:

- Sead Lisak, direktor, te Dragan Slipac i Sreto Pekić, zamjenici direktora Agencije za prevenciju korupcije i koordinaciju borbe protiv korupcije, i
- Jovica Katić, privremeni sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Predsjedavajuća je na početku upoznala članove Komisije s predloženim dnevnim redom.

Kako o prijedlogu dnevnog reda nije vođena rasprava, predsjedavajuća je dala na glasanje dnevni red.

Članovi Komisije jednoglasno su, sa 8 glasova „za“, usvojili predloženi dnevni red, čime je konstatirano da 11. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

1. Usvajanje Zapisnika 10. sjednice Komisije,
2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2012. godinu (sačinilac: Agencija za prevenciju korupcije i koordinaciju borbe protiv korupcije),
3. Tekuća pitanja.

Ad.1. Usvajanje Zapisnika 10. sjednice Komisije

Naglašavajući da su članovi Komisije u materijalima za sjednicu dobili prijedlog zapisnika prošle sjednice Komisije, predsjedavajuća je o njemu otvorila raspravu.

S obzirom da nije bilo rasprave, Komisija se izjasnila o prijedlogu zapisnika.

Članovi Komisije jednoglasno su, sa 8 glasova „za“, usvojili Zapisnik 10. sjednice.

Ad.2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2012. godinu (sačinilac: Agencija za prevenciju korupcije i koordinaciju borbe protiv korupcije)

Dušan Majkić je u uvodnim napomenama navela da je Agencija, u skladu s članom 18. stav 1) tačka b) Zakona o Agenciji za prevenciju korupcije i koordinaciju borbe protiv korupcije, dostavila Komisiji za izbor i praćenje rada Agencije svoj Izvještaj o radu za 2012. godinu. Napomenula je da su svi članovi Komisije u materijalima za ovu sjednicu dobili predmetni izvještaj, te navela da su današnjoj sjednici prisutni i čelni ljudi Agencije za prevenciju korupcije i koordinaciju borbe protiv korupcije - direktor i njegovi zamjenici, te ih zamolila da kratko upoznaju Komisiju s najbitnijim elementima ovog izvještaja.

Sead Lisak je u uvodnim napomenama naveo da Izvještaj o radu Agencije za 2012. godinu, pored ranije redovno korištenih metodoloških elemenata, sadržava i primjedbe koje je rukovodstvo Agencije uvažilo po preporukama Komisije nakon rasprave vođene prilikom razmatranja posljednjeg izvještaja. Naveo je da se Izvještaj, osim uvodnih napomena, sastoji od informacije o kadrovskom popunjavanju Agencije, njenom smještaju i materijalno – tehničkom opremanju, zatim najvažnijim aktivnostima Agencije tokom 2012. godine, te naposljetku ostalih aktivnosti, realizacije finansijakog aspekta i javnih nabavki. Posebno je naglasio dio Izvještaja koji se tiče realizacije 81 aktivnosti predviđene u okviru pet specifičnih iz Akcionog plana za provođenje Strategije za borbu protiv korupcije za period 2009. – 2014. godina. Naveo je da ovo predstavlja novitet koji ima za cilj da se članovi Komisije bliže upoznaju s realizacijom navedenih aktivnosti. Govoreći o kadrovskim kapacitetima, naveo je da je u Agenciji trenutno zaposleno 15 lica, što predstavlja mnogo bolje stanje od perioda kada je Agencija podnosila svoj prethodni izvještaj. Ipak, naglasio je

da bi, s ciljem stvaranja realnijih pretpostavki za ispunjavanjem obaveza iz Akcionog plana za provođenje Strategije za borbu protiv korupcije, iz sredstava budžetske rezerve za 2013. godinu bilo neophodno osigurati sredstva za zapošljavanje dodatnih do šest izvršilaca, te u tom smjeru zatražio podršku Komisije. Zaključio je da je, obzirom na sve probleme s kojima se susretala tokom prošle godine, Agencija dala svoj maksimum koliko je to bilo moguće u datim okolnostima.

U raspravi o Izvještaju o radu Agencije učestvovali su svi prisutni članovi Komisije za izbor i praćenje rada Agencije za prevenciju korupcije i koordinaciju borbe protiv korupcije: Staša Košarac, Beriz Belkić, Mirsad Abazović, Niko Lozančić, Milenko Obad, Milorad Vulić, Dušanka Majkić i Borjana Krišto, dok su odgovore na pitanja postavljena tokom rasprave, u ime Agancije za prevenciju korupcije i koordinaciju borbe protiv korupcije, dali Sead Lisak, direktor, te Dragan Slipac i Sreto Pekić, zamjenici direktora Agencije.

Članovi Komisije su tokom rasprave naveli određeni broj primjedbi koje proizilaze iz predloženog izvještaja, a koje se odnose na to da:

- Agencija ne može biti smještena u neuslovnim prostorijama za rad, kao što je trgovački centar u kojem se trenutno nalazi, i nije primjereno da Agencija bude smještena u ovakvim prostorijama. U skladu s tim, treba zahtijevati od Vijeća ministara BiH da u toku ove godine riješi pitanje smještaja ove agencije u u prostorije koje će biti primjerene za obavljanje njihovih svakodnevnih poslova i zadataka;
- Izvještaj u većem dijelu treba da sadrži prikaz aktivnosti Agencije na prevenciji i koordinaciji korupcije u BiH, s obzirom da ovi njeni zadaci proizilaze iz njenog samog naziva;
- Izvještaj treba jasno da prikaže analizu stanja te koji su to najčešći pojavni oblici korupcije u BiH i kakva je struktura počinjenih koruptivnih krivičnih djela, odnosno gdje se ona javljaju i na koji način;
- Izvještaj treba da prezentira i šta je sve urađeno od zadataka koje je Agencija imala pred sobom po planu rada za tu godinu;
- Izvještaj treba da sadrži analizu svih 81 aktivnosti u okviru pet specifičnih mjera Akcionog plana za provođenje Strategije za borbu protiv korupcije 2009. – 2014., s jasnim prikazom i obrazloženjem stepena njihove realizacije;
- Metodološki gledano, izvještaj treba da bude napravljen konciznije, na način da sadrži uvod, realizirane aktivnosti Agencije u protekloj godini, zatim planirane aktivnosti za narednu godinu, te zaključak koji treba da ide u smjeru zahtjeva prema nadležnim institucijama s ciljem poboljšanja rada Agencije u narednom periodu;
- Iz ovog izvještaja se ne vidi struktura zaposlenih u Agenciji, koja, s obzirom na prirodu posla kojim se bavi, treba da bude popunjena s visoko obrazovanim kadrovima analitičara i istraživača;
- Izvještaj treba da oslikava realizaciju aktivnosti u Agenciji u skladu s njenim nadležnostima koje su definirane Zakonom, te da definira probleme s kojima se Agencija susreće u svom radu, precizirajući pri tome ko su odgovorne institucije koje treba da rade na rješavanju tih problema kako bi proces bio deblokiran;

Nakon sveobuhvatne rasprave Komisija je, sa šest glasova „za“ i dva glasa „protiv, bez „suzdržanih“ glasova“, usvojila sljedeće zaključke:

- 1. Komisija vraća Agenciji za prevenciju korupcije i koordinaciju borbe protiv korupcije predmetni izvještaj na doradu, s obzirom da Izvještaj nije sačinjen metodološki korektno, te da u njemu nije na jasan način prezentiran stvarni rad Agencije u prethodnoj godini i da se iz njega ne može sagledati realizacija mjera iz Akcionog plana za provođenje Strategije za borbu protiv korupcije za period 2009. – 2014. godina;*
- 2. Zadužuje se Agencija da u roku od 15 dana dostavi Komisiji novi modificirani izvještaj, kojim će se uvažiti prijedlozi članova Komisije prizašlih iz rasprave po ovom izvještaju na 11. sjednici Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 15. 4. 2013.*

Ad.3. Tekuća pitanja

U okviru tekućih pitanja predsjedavajuća **Duška Majkić** upoznala je članove Komisije da se Prijedlog zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije trenutno nalazi na razmatranju u Ustavnompravnoj komisiji Predstavničkog doma Parlamentarne skupštine BiH, koja će na svojoj narednoj sjednici, između ostalih, razmatrati i amandmane ove komisije koji su proizašli nakon javne rasprave po Prijedlogu ovog zakona. Nakon određivanja Ustavnompravne komisije po amandmanima, zakon u cjelini sa usvojenim amandmanima će na svojoj narednoj sjednici razmatrati i Predstavnički dom Parlamentarne skupštine BiH, dok će Dom naroda na svojoj narednoj sjednici tek otvoriti raspravu o principima Prijedloga zakona.

Sjednica je završena u 14 sati.

Zapisnik sastavio
Jovica Katić

Predsjedavajuća Komisije
Duška Majkić

Dostavljeno:

- naslovu
- a/a